

皇朝史略

青山延于著

五

210.1  
A638k  
W

Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak

Kodak Color Control Patches

Blue Cyan Green Yellow Red Magenta White 3/Color Black





210.1  
A638k



560879

皇朝史略卷之十

水府史臣青山延于著



後醍醐天皇諱尊治後字多帝第二子也母談天門院

藤原師德治三年立為皇太子至是受禪三月立皇

姪邦良親王為皇太子增鏡夏六月左大臣藤原經平

薨秋八月內大臣藤原公茂罷以前內大臣藤原

實重為太政大臣前右大臣藤原實泰為左大臣權大

納言藤原家定為右大臣權大納言藤原內經為內大

臣家定通教之子內經內實之子也冬十二月閏白



道平罷以內大臣藤原內經為閔白○元應元年夏四

月右大臣藤原家定罷○六月閔白內經罷內大臣以

前權大納言源有房為內大臣有房通光之孫也○秋

七月有房薨○閏月以權大納言藤原房實為右大臣

前大納言源通重為內大臣通重通賴之子也○冬十

月太政大臣實重內大臣源通重並罷以前內大臣源

通雄為太政大臣大納言藤原師信為內大臣師信師

繼之子也公卿補任○二年夏四月前權大納言藤原為世

上續千載和歌集增鏡○秋七月前攝政左大臣師教薨

○元亨元年春二月前右大臣藤原公顯薨○秋九月

前內大臣源通重薨○冬十一月內大臣藤原師信薨

補任○十二月初後宇多法皇聽政院中至是還政增鏡始

置記錄所親自聽訟正統記廢諸新闕但大津葛葉二

閣依舊置之太平記帝留意政事夙興夜寐孜孜圖治

記常與儒臣討論經史增鏡時法印玄慧才學冠世太平記

帝召侍讀玄慧尊信程顥程頤朱熹之學先是經筵專

用漢唐諸儒註疏至是玄慧始倡程朱之說云尺素往來

二年夏六月以大納言藤原冬氏為內大臣冬氏信嗣

之孫也○秋八月冬氏罷○左大臣藤原實泰罷以右

大臣藤原房實為左大臣大納言藤原兼季為右大臣



權大納言藤原冬教為內大臣兼季實兼之子冬教冬

平之子也補任○九月前太政大臣實兼薨常樂記○三年

春三月閔白內經罷以左大臣藤原房實為閔白○夏

五月太政大臣通雄罷○六月閔白房實罷左大臣以

前左大臣藤原實泰為左大臣○秋七月右大臣藤原

兼季罷○冬十一月以前閔白冬平為太政大臣補任○

正中元年春正月前內大臣藤原公茂薨系圖○夏四月

以內大臣藤原冬教為左大臣權大納言藤原經忠為

右大臣大納言藤原實衡為內大臣增鏡歷代皇紀經忠內經

之子實衡公衡之子也○五月前閔白左大臣家平薨

系圖○六月後宇多法皇崩壽五十八增鏡○秋八月前內

大臣藤原冬氏薨常樂記○九月初帝怒閔東專權密圖

討之引中納言藤原資朝藏人頭本書作藏人今據藏人補任藤原

俊基參謀議二人竊裝為修驗者游歷海西閔東觀察

風俗要害資朝為修驗者據增鏡時美濃人土岐賴貞多治見國

長有勇名會來居京師資朝欲引為同謀乃與俊基及

大納言藤原師賢中納言藤原隆資左衛門尉藤原實

世僧游雅玄基武人足助重範等數延賴貞國長深相

結納每會皆露髻散髮坐無位次令婦女二十餘人著

單紗衣行酒名為無禮講宴語款熟竟以計告之賴貞



等傾心相謀既而事泄至是北條高時遣兵襲賴貞國

長殺之本書為元德元年今從增鏡保曆間記拘致資

朝俊基于鎌倉按本書為五月今出川西源院南都本

事補任俊基羅年月鞫問不服高時怒甚將議廢帝帝欲紓其患

遣中納言藤原宣房賜誓書於高時事由此得釋太平

○冬十二月以太政大臣冬平為関白○二年冬十二

月前関白内經薨補任○參議藤原為定上續後拾遺和

歌集增鏡是歲北條高時流中納言藤原資朝於佐渡釋

藏人頭藤原俊基還京師補任○嘉曆元年春三月皇太

子邦良薨增鏡○鎌倉執權北條高時罷時高時嬰疾危

篤長崎高資勸罷執權高時從之薙髮號崇鑑高資以

素與金澤貞顯相善援以代之高時弟泰家憤恚薙髮

高時疾瘳大怒將殺貞顯貞顯懼亦薙髮不出視事高

資又以己意推高時族守時為執權眾益不服保曆高

時為人舉止無度特以宗嫡襲職增鏡保曆始委政於妻

父秋田時顯及内管領長崎圓喜二人協心戮力一遵

泰時約束頗稱無事及圓喜告老使其子高資代之高

資乘主昏闇恣作威福專行胸臆無所忌憚海内怨憤

眾情日離高時昏亂滋甚日夜以酣飲為事性好鬪狗

索諸將吏家及課百姓出以充租賦遠近競獻積至數



千頭厭以梁肉載以籃輿役民舁之道路遇者下馬俯伏每月十二次分朋鬪之召會諸將觀以為樂群吠狺信震地如爭尸者聞者皆惡之京師有田樂戲盛行高時多召優人付諸將各養一人每讌飾進作戲自高時已下競解衣裳以為纏頭積成丘堆其費不貲時人皆知其不終焉太平記○秋七月立量仁親王為皇太子歷代皇初太子邦良之薨也帝欲擇諸皇子立之北條高時固執兩宗迭立之議遂立後伏見皇子量仁為太子增鏡帝遣使鎌倉諭之曰後深草子孫世襲長講堂領又續大統而朕禪位之後無封邑以充供給以下以長講堂領

屬朕也高時竟不奉詔帝益憤恚梅松論○冬十月內大臣藤原實衡罷補任○前征夷大將軍惟康親王薨常樂記

○十一月以權大納言藤原基嗣為內大臣基嗣經平之子也○前內大臣藤原實衡薨○二年春正月閔白

太政大臣冬平薨○二月以前閔白道平為閔白○三

月前閔白左大臣房實薨補任○夏六月初陸奧人藤原季長與其族五郎爭事相訴長崎高資兩納其賂久而

不決二人遂相攻擊至是高時遣兵討之無功保曆間記按本書係元亨二年今從結城文書○秋八月前左大臣藤原實泰薨補任○

三年冬十月前征夷大將軍久明親王薨常樂記○十二



月以尊雲法親王為延曆寺座主天台座主記親王上第三

子也天姿穎敏為上所鍾愛太子之薨上屬意親王而

北條高時立量仁親王為太子故親王不得立遂往黎

下モト為僧至是補座主居大塔タカ因稱大塔宮上深惡高時

擅權每欲除之是歲勅修延曆寺大講堂已成上親臨

慶之以親王為祝願師蓋欲結僧徒之心藉其力以除

北條氏親王與贊密謀遂廢講讀專習武技趨捷絕倫

頗通韜略太平記元德元年夏六月前太政大臣實重

薨系圖冬十二月前太政大臣通雄薨二年春正月

閔白道平罷以右大臣藤原經忠為閔白補任二月經

忠罷右大臣歷代皇記以內大臣藤原基嗣為右大臣權大

納言源長通為內大臣長通通雄之子也三月長通

罷大納言藤原公賢為內大臣公賢實泰之子也補任

夏四月盜殺大判事中原章房時帝圖討北條高時密

召章房謀之章房固諫帝恐語泄陰命參議平成輔圖

之時有瀨尾兵衛太郎者居雲居寺傍以俠聞成輔陷

之以利伺章房出刺殺之又

外史氏曰藤原公繼諫後鳥羽帝帝雖不納猶

優容之中原章房諫後醍醐帝而帝殺之則

帝之拒諫抑又甚焉然其致亂二帝一轍而帝



能復位其故何哉蓋方承久之時義時秉柄輔以泰時上下輯睦士庶歸心元弘之時高時兇逆人心離叛海內思亂此其成敗所以異也

後其子章信殺兵衛太郎以復父讎島津家本今川家本金勝院本太平

記 五月初帝專與尊雲法親王議東伐之計益急又

召僧圓觀文觀等於禁內咒詛北條高時至是高時遣

兵執致圓觀文觀忠圓等于鎌倉鞠問首服秋七月高

時流文觀于硫黃島忠圓于越後拘圓觀于陸奧太平記

八月閏白經忠罷以左大臣藤原冬教為閏白元

弘元年春正月冬教罷左大臣二月內大臣藤原公

賢罷以右大臣藤原基嗣為左大臣前內大臣源長通

為右大臣前大納言藤原季衡為內大臣季衡公衡之

子也補任秋七月諸國地大震富士山崩數百丈太平記

六波羅遣兵執右中辨藤原俊基送于鎌倉太平記

元年事誤今從辨官補任增鏡毛利家本天正本太平記會後伏見法皇遣使於鎌

倉具告朝廷之謀高時乃會諸將問計眾相視不敢言

獨長崎高資進曰前者主君不果廢立所以貽此患也

為今之計宜速遷車駕於邊裔流竄尊雲親王執朝臣

豫謀者處之刑事乃定矣二階堂貞藤諫曰國權東移

殆百六十年矣按自治承至此百四威服四海慶流子



孫者無它故焉以輸忠於天朝而布德於下民也今拘  
廷臣派僧徒此爲己甚而又廢天子竄座主神怒人怨  
取敗在近且使我兵威盛彊雖朝廷圖我誰敢與之古  
曰君雖不君臣不可以不臣互益効臣節靡怠則天威  
亦安得不霽哉高資作色曰文武之道緩急異用承久  
之事主君所互法也今而不決噬臍何及矣高時深然  
其言決意圖廢立八月高時遣二階堂貞藤等率兵三  
千至京師遣二階堂貞藤據毛利尊雲法親王謀知其  
謀其夜馳使奏曰高時遣兵將遷乘輿于絕島誅臣尊  
雲陛下互乘夜潛幸南都使近臣詭稱陛下而至本寺

聲言車駕避賊賊聞之必盡銳來攻則本寺僧徒當力  
戰距之延及數日官軍稍集則殲賊必矣今禁旅未集  
城壁未成而賊兵奄至將何以距之國家安危在此一  
舉願陛下速用臣計不然則大事去矣時大納言藤原  
師賢中納言藤原藤房及弟季房宿直帝召與議藤房  
曰事已如此互急出宮裝車如婦人所乘載帝及神器  
詐稱中宮如北山第出陽明門比至三條河原中納言  
源具行大納言藤原公敏左近衛少將源忠顯等追至  
帝更御竹輿大膳大夫重康姓樂工豐原兼秋隨身秦  
久武等昇之赴南都遂幸笠置寺使師賢乘御輿赴延



曆寺以綴賊兵六波羅鎮將北條仲時聞車駕幸延曆寺遣兵攻之尊澄法親王尊雲法親王督僧徒距戰破之於辛崎既而僧徒覺非真天子相率叛去師賢奔歸行在○時帝在笠置近畿之兵稍集而四方勤王之師未至帝憂之適夢紫宸殿前庭有一大樹南枝最茂下設御座忽有二州角迎帝坐之帝覺而異之以為木傍南楠也意將有楠氏者出輔朕再正帝位也即召寺僧問之曰河內國金剛山西有楠正成者橘諸兄之裔也其母嘗禱志貴山毘沙門而生正成故小字曰多聞以勇武聞世帝謂所夢殆是乃遣藤房召至行在帝大悅

委以興復問滅賊之計正成曰逆賊暴虐自招覆亡天誅所加蔑不剋也夫創業之功要在謀略若以力爭則武藏相摸之兵天下無敵焉以謀屈之則易撓也然兵有勝敗或遇小衄勿煩聖慮臣如獲存何患不濟辭歸城赤坂○九月備後人櫻山茲俊起義兵築一宮城

記○北條高時奉皇太子稱帝于京師是為光嚴院

門堂所藏記皇年代略○六波羅鎮將北條時益北條

仲時發兵七萬餘犯笠置城固而不能拔高時聞之遣

大佛貞直足利尊氏將大兵赴笠置未至笠置陷判官

代錦織俊政飛驒守石川義純及子義右死之帝徒步



突圍而出唯藤原季房從焉扶行三日夜欲幸赤坂為  
 追兵所執○冬十月六波羅兵奉帝幸平等院親王以  
 下文武百僚悉見執大佛貞直等請傳神器于新主帝  
 不聽既而貞直等遷帝於六波羅復請傳神器乃授以  
 新器按以新器授新主本書無明文然增鏡云帝親奉  
 神器如隱岐則所授是新器而非真神器明矣

○初正成之城赤坂也城方可二町三面平地守者僅

五百人取民儲以充兵食太平記慮行在不守方欲迎駕

距戰增鏡板築方畢而笠置陷大佛貞直等乘勢奄至兵

亾慮三十萬正成先遣弟正季及和田正遠以兵三百

伏傍近山中敵兵視城小易之曰直以隻手提去耳報

薄埤急攻城兵亂射兩注殺傷千餘人敵驚沮而退卸

甲解鞍就營憇息正季等瞰之分兵為二鼓譟而進城

兵亦開門出盪內外夾擊大破之器械鞍馬委棄載路

尋復來攻圍之數重正成豫為機辟俟其四面肉薄而

上斷索壓殺千餘人因連投巨石大木殺七百餘人敵

更蒙盾競進以鐵搭鉤埤殆壞城中乃以長柄杓沃沸

湯敵皆糜爛自是退守營柵計持久以困之初正成之

築城倉猝儲糧不多至是糧盡纔餘數日食正成乃謀

衆曰我數有利而賊勢不挫內乏藟糧外無救援首倡

大義見危授命固所願也然臨事而懼好謀而成勇士



所尚我今陽死賊必引歸。婦復聚眾出戰，令敵疲奔命。制勝之道也。眾皆然之。正成為一大坑，填以死屍，積薪于上。留一卒戒曰：候我行遠，縱火燒城。會夜大風雨，正成乃與眾三五分伴，潛過敵營，遁去。敵不之覺，及火起，爭入城，見坑中焚屍，以為正成真死，引兵還。關東北條仲時北條時益遣湯淺定佛守赤坂。櫻山茲俊略定國中將，侵隣國及王師失利，眾皆潰散。乃知事不成，請吉備津祠刺殺妻子，火祠而自殺。太平記是歲正成城金剛山，即千劍破城也招集義旅。保曆間記二年春三月，北條高時遷帝於隱岐，特縱左近衛少將源忠顯從駕遷中務卿。

尊良親王于土佐，尊澄法親王于讚岐，恒良親王于但

馬。夏四月，車駕至隱岐，以國分寺為宮。高時命佐佐

木清高護衛。太平記京師改元正慶。增鏡楠正成復赤

坂城，湯淺定佛降于正成，并其眾。徇和泉河內，五月進

屯渡邊橋，京畿大震。仲時時益遣隅田通治、高橋宗康

將兵五千餘來攻，正成伏兵於天王寺側，令弱卒三百

守橋，皆羸馬繩轡，及戰輒走，以誘敵。兵比過天王寺，伏

兵起，敵大敗，退至橋，人馬沒溺死者無算。北條高時

殺參議平成輔，初帝之謀討高時，成輔參與機密，及笠

置陷成輔，就擒至是，斬之於相模早河，屍遷大納言藤



原師賢于下總前權大納言藤原公敏于下野權中納

言藤原藤房于常陸參議藤原季房于下野增鏡○太平

陸常六月北條高時殺中納言藤原資朝于佐渡野太

記為元弘元年今從補任右中辨藤原俊基于相摸太平記係元弘

中納言源具行于近江○七月北條仲時北條時益

遣宇都宮公綱將兵五百攻天王寺和田某謂正成曰

隅田高橋五千兵我已破之今公緇來攻兵僅數百乘

勝逆擊蔑不尅矣正成曰兵在和不在多公綱坂東驍

將從以紀清兩黨且彼承敗衄之餘僑軍孤進志在必

死使我能拒所亡亦多天下之事豈止今日互愛士卒

以圖後舉也我今輸彼一籌引退數日出奇誑之則坂

東慄輕之士氣索而去矣此所謂不戰而屈人之兵者

也遂引兵而退居數日遣卒三百及民兵數千盛列炬

火星布山澤如此連夜滋多滋逼公緇勒兵嚴備意其

衆日盛也果潛引還正成料敵出奇率此類也○是冬

護良親王城吉野初尊雲避難匿十津河半載蓄髮還

俗更名護良更名梅松論至是據吉野下令赤松則村使倡

義則村起兵播磨城苔繩以絕山陽山陰兩道由是京

師失鎮西之援官軍聲勢日益振○三年北朝正春二

月北條高時復大發兵遣二階堂貞藤攻吉野大佛高



直

本書作貞直今從保曆間記

攻千劍破阿曾時治攻赤坂時正成

使平野將監守赤坂將監距守旬餘城有暗渠為敵所  
泄時又久旱兵士困渴敵仍以火箭焚樓櫓將監力盡  
而降是月伊豫人土居通治得能通言起兵本州與長  
門探題北條時直戰于伊豫星密大敗之○閏月二階  
堂貞藤陷吉野城左馬權頭村上義光死之護良親王  
走高野山貞藤與時治合勢攻千劍破兵衆甚盛城東  
西臨谷南北接金剛山壁立數十仞敵恃其衆肉薄攻  
之城中大發矢石拒之敵死傷無算乃令軍中禁擅進  
安營環守城有泉五道雖旱不涸正成作大槽數百貯

水又每雨承屋溜於槽以故水常得足敵疑其外汲令  
名越越前守將兵三千守東溪正成偵守者稍怠急擊  
走之獲其旗幕翌日張之城上以辱之越前守愧忿率  
兵五千拔柵進薄城兵下巨木仍大射之死傷略盡敵  
知其不可猝拔益成持久之計正成乃作藁人數十被  
之以甲羅之城外昧爽鼓譟誘敵敵兵不曉競赴藁人  
城上乃連下巨石殺傷八百餘人敵又為雲梯攻之正  
成作炬數十投梯梯然敵墮崖谷而死者數千人會近  
郡土兵奉護良親王令絕賊糧道賊兵大困逃亡相繼  
○時所在義兵並起四方豪傑響應兵勢大振北條高



時慮有通謀於行在者乃命佐佐木清高嚴守衛清高乃發州郡兵守之日夜警護遇絕內外不得通時富士名義綱守中門竊謀奪車駕以舉義無繇言之會帝夜使侍姬賜酒義緇義緇喜得間因密附奏曰方今楠正成據金剛山赤松則村屯摩耶山伊東惟群築寨三石土居得能倡義四國四方官軍不期而響應此國家興復之秋也願陛下以臣直日出宮駕船以幸出雲伯耆之間二國將士必有應召者臣亦陽為追官家來屬禁旅也帝聞之大喜乃以侍姬賜之以察其情偽義緇感激効節之志益堅帝乃使義緇赴出雲招集義旅義緇為鹽冶高貞所拘帝遲之久而不至乃與源忠顯謀佯為宮人月滿出宮者夜潛御腰輿出宮道斥輿徒步夜暗不知所嚮帝步履甚艱忠顯扶之而行叩路傍人家問千波港主人見而憫之負帝至港覓舟御焉舟人知帝非常人曰小人幸得執役敢請所之忠顯曰汝已識貴人我不敢隱此即當今天子出隱岐行宮急欲幸出雲伯耆之間指形便之地赴之異日事濟必重賞汝舟人喜解纜疾馳佐佐木清高發輕舸追及舟人乃匿帝與忠顯於船底覆以薰魚兵士上御船遍搜而不獲問曰汝見貴人乎否舟人紿曰夜半有船出港一人著冠



一人著烏帽今行可十里殆是乎追兵轉舵去已又有  
敵舸百餘隻追至會風止御舸不得前舟人恟懼帝乃  
於懷中出佛舍利投之海默禱須臾風復起敵舸飄蕩  
不知所之遂至伯耆名和港忠顯登岸問土人曰此地  
有以武著者耶土人答以名和長年忠顯直造其所居  
宣旨委託長年奉帝據舟上山聚眾衛護清高聞之率  
兵三千來犯長年擊而大破之將士或降或死清高遁  
還於是諸國勤王之師望風悉至出雲守護塩冶高貞  
與富士名義紹等率兵來歸兵勢大振○兒島高德備  
前人備後守範長之子也稱備後三郎夙好讀書風好讀書

據天正本  
太平記

初帝之在笠置也謀起兵勤王會行在失守

車駕西狩高德聚族議欲奪車駕于路乃要之於舟坂  
山已而車駕自山陰道計竟不成乃踰三石山徑赴杉  
坂則又不及焉於是眾皆散去高德欲見帝道其衷微  
服夜至御館竟不得間庭有一櫻樹輒斫使白題之曰  
天莫空勾踐時非無范蠡明日衛士見之以白帝帝心  
竊自喜至是與父共詣行在○三月赤松則村與六波  
羅兵戰累破之遂長驅入京師太平記新主與新院避之  
於六波羅皇紀增鏡則村與六波羅兵戰不利帝勅源忠顯  
帥山陽山陰二道兵援則村菊池武時起兵討筑紫探



題北條英時於博多不克死之太平記夏四月先是

但馬守護太田守延奉恒良親王會源忠顯于丹波至

是忠顯奉親王陳于西山峰堂赤松則村與左近衛中

將源定平及僧良忠攻六波羅不利忠顯又與六波羅

兵戰見敗守延戰死忠顯奉親王走男山○北條高時

遣名越高家足利尊氏將大兵援六波羅尊氏遂遣使

行在納款太平記尊氏源義家之裔讚岐守貞氏子也源氏

系初高時遣諸將攻笠置也尊氏適遭父喪高時強起

之尊氏不獲已赴之城陷而還至是尊氏適疾高時屢

促之尊氏怒謂往年丁艱彼不之恤反趣赴役今我罹

疾又復見逼虐入一何至此太平記怒謂以下據北條

始有歸順之志尊氏累世以源氏胄胤憤為北條氏所

制每有圖之之志而終不果梅松論尊氏欲乘釁濟先人

之志即力疾而起將携家累以從軍長崎圓喜勸高時

使其作誓書留妻子為質任尊氏果叛高時子千壽王

亦潛逃○赤松則村與名越高家戰久我暇則村部兵

佐用範家射殺高家衆皆潰走○五月源忠顯進軍竹

田足利尊氏屯神祇官赤松則村陣東寺三面薄攻敵

穿塹列柵守備甚嚴則村部下妻鹿長宗督力絕人踰

塹倒壁塹為之平則村兵競進六波羅兵大敗則村與



忠顯尊氏合勢圍六波羅北條仲時北條時益奉新主  
 及二上皇東走時益中矢而死官軍遂收復京師○兵  
 部卿守良親王起兵要擊北條仲時于近江番馬仲時  
 敗死獲新主及二上皇記太平○詔停閑白冬教左大臣  
 藤原基嗣官復左大臣藤原道平官補○上野人新田  
 義貞攻破鎌倉北條高時伏誅鎌倉悉平征夷大將軍  
 守邦親王薙髮太平記自源賴朝開府至此百七十餘  
 年而鎌倉亡矣神皇正統記義貞源義家十世之孫也系世圖  
 食新田郡世良田楠正成之據千劍破也義貞從東軍  
 攻之竊懷歸順之志與其臣舟田義昌共謀欲得護良

親王令旨以舉義義昌以計請而得之義貞大悅明日  
 遂稱疾還鄉里日會宗族子弟謀誅高時及六波羅兵  
 失利高時益發大兵徵糧郡縣以世良田素多豪富特  
 課以錢六千萬限五日辦遣吏催督義貞執而梟之高  
 時大怒將移兵來討義貞乃與弟義助率大館宗氏堀  
 口貞滿巖松經家里見義胤等百五十人至生品祠前  
 舉義旗其日薄暮越後甲斐信濃諸源相繼來會比至  
 武藏衆至二萬餘聲勢大振與高時將櫻田貞國北條  
 泰家戰累破之進至閑戶分軍三道並進大館宗氏攻  
 極樂寺坂敗死義貞乃率精兵二萬夜從間道赴之敵



兵數萬固守坂上柵多列戰艦于海岸軍不得輒過義  
貞乃下馬面海禱潮退解佩刀投之海及曉潮退四五  
里戰艦皆隨而漂去義貞大喜麾眾直入府中守坂敵  
兵駭愕不得赴距江田行義堀口貞滿諸軍繼進所在  
縱火適風怒甚煙燭蔽空府第悉焚眾乘勢掩擊殺獲  
無算高時遂逃葛西谷舉族自殺自出師至此僅十五  
日乃馳使奏捷行在○車駕發舟上山次兵庫時鎌倉  
捷報未至上下猶懷危懼至是捷書始至眾咸莫不驩  
呼敕授使者官授官據天正本太平記○六月初楠正成據千劍  
破城東兵圍之累月不能拔及六波羅敗諸將解圍而

去至是正成率兵七千迎謁于兵庫帝親勞之曰國家  
再造實卿之功也正成拜謝曰不賴陛下威靈臣曷得  
出重圍復有今日哉詔前驅入京師太平記○車駕還宮  
時議者或言宜用重阼之禮左大臣藤原道平奏言陛  
下雖在外久然躬奉神器臣以為宜用巡狩還宮之儀  
帝從之去正慶號悉削新主所署官爵增鏡補罷置閑  
白增鏡○詔復源長通右大臣藤原公賢內大臣補以  
護良親王為征夷大將軍初尊氏之克京師也忌親王  
威名竊圖除之會親王候人殿トシホウ法印良忠リヤウチウ部曲剽掠都  
下尊氏遣兵捕而梟之親王聞而大怒遂圖誅尊氏更



約束士眾繕修器械時勤王將士會集京師聞其欲有所討各懷危懼物情恟恟帝遣參議藤原清忠詔還初服親王答詔曰方今大憝殄滅兆民慶賴雖由陛下神武之所致愚臣亦與有勞焉臣竊以雖天下已平兵備未可遽弛故纂嚴以警不虞若應明詔不審閫外之寄其誰任之足利尊氏憑藉天威僅効微勞乃凌侮忠勲陰懷跋扈之志若不及其勢微而剗鋤則是又生一高時也望請天眷特借臣一員戎號為陛下誅豎子消禍亂於未萌也帝報曰尊氏未有罪責一旦加戮將士解體誰為朕用王勿妄舉失衆心也若其執節旌鎮廟社

朕嘉乃志宜從其所請乃拜征夷大將軍封以北條泰家食邑自是親王漸耽聲色譽望稍衰○中務卿尊良親王尊澄法親王中納言藤原藤房及僧圓觀文觀忠圓等至自遷所○詔源定平楠正成討北條高時餘黨于南都招宇都宮公紹降之於是降者相踵阿曾時治大佛高直二階堂貞藤等剃髮出降○秋七月斬時治高直等於阿彌陀峰特宥貞藤○八月諸國將士悉朝京師左兵衛督足利尊氏為武藏常陸下總守護弟直義遠江守護新田義貞上野播磨守護子義頭越後守護脇屋義助駿河守護楠正成攝津河內守護名和長



年因播伯耆守護赤松則村播磨守護尋奪則村職賜

以佐用莊太平記按本書係明年今據尊氏初名高氏

至是賜御名一字以寵之補置決斷所議軍士賞使

權中納言藤原實世掌之將士爭奉功狀集者數萬率

多詐冒實世不能甄別經旬月僅銓定二十餘人尋又

以所考冒濫見收奪敕中納言藤原藤房掌其事藤房

乃甄別真偽擬授略備而內特降旨行賞尤多猥濫藤

房知不可諫稱疾不視事更以民部卿藤原光經代之

光經備加參驗欲奏而頒行而內旨又以高時邑充供

御料大佛貞直邑給準后藤原氏北條泰家邑賜護良

親王其餘分賜衛府諸司宮闈倡妓之輩殆無遺地有

功將士虛手主者依違而已或以一邑授數人相爭紛

拏大為擾動天下復思亂矣○九月二階堂貞藤陰圖

不軌伏誅太平記○是秋護良親王罷征夷大將軍任兵

部卿保曆間記○冬十月帝以天下新定思欲鎮撫東陸以

參議源顯家為陸奥守出鎮陸奥出羽前大納言源親

房輔之顯家以不閑戎事固辭詔曰古昔皇子皇孫及

執柄大臣子內輔朝政外總戎旅方今海內統一內外

共貫文武之用何為二塗其過往守爾藩屏顯家不得

辭彊就任欲請皇子藉重乃奉義良親王行帝親書旗



銘賜之時縉紳赴任事久廢缺及顯家出悉依循舊儀

帝賜衣馬於御前遣之正統記元弘置評定眾引付眾

以掌國務建武二年記顯家親房之子也補○十二月詔號

廢主為太上天皇皇年代略記

外史氏曰孔子曰名不正則言不順言不順則事不

成量仁親王既為帝儲貳方帝之蒙塵則監國

不稱制固其宜也然帝未讓位太子既為賊所立斥

為閔位則帝之復位勢不得不廢既已廢之則故

親王也安可以尊號加之哉名之不正莫斯之甚恢

復之初庶績草創而紀綱紊亂如此豈其再致播遷

也

○以成良親王為上野太守出鎮鎌倉以左馬頭足利

直義為相模守輔之正統記元弘○建武元年春正月

營大內以安藝周防租賦充其經費徵諸國地頭所入

二十分一安元以後大內久廢及是盛興土木大營宮

室用度不足始用楮幣太平記○立恒良親王為皇太子

皇紀○二月右大臣源長通罷以前関白經忠為右大

臣補先是罷関白特詔左大臣藤原道平右大臣藤原

經忠參輔庶政天正本太○詔鑄新錢文曰乾坤通寶

銅楮並用建武二年記○三月北條高時餘黨本間某澀谷



某反襲鑣倉足利直義討平之元弘日記裏書梅松論○夏五月

出雲守護塩冶高貞獻千里馬骨相異常且出本州暮到京師帝大悅養于左馬寮呼為天馬一日帝幸馬場殿問內大臣藤原公賢曰天馬之出未之前聞屬當朕世不求而至其應如何公賢歷徵故事以贊時瑞群臣稱賀權中納言藤原藤房後至帝又問之對曰臣聞穆王愛八駿而周政衰孝文却千里馬而漢業盛此二者得失之機盛衰之効昭焉可睹矣今天馬之出臣愚固不足以知之然竊謂此盖由時多秕政天其或者將生尤物以蕩君心也何則方今天下初定創夷未復

此執政吐哺諫臣抗疏協贊政治之秋也而百辟偷安庶僚阿諛國家安危置而弗問嚮者播蕩之日天下之士爭先赴義者其志在於建勲邀賞幸屬靜謐忠勲之士思浴恩澤群集闕下日造記錄所決斷所各上其功狀委積成堆而主者不時決遣賞典所及非朝臣則其參佐僚屬凡有功將士槩遺叙錄則憤寃缺望相率歸鄉竊歎時政枉濫有司不公而群臣徒視訴牒日減以為虞芮訟止無為所化何其謬也有司宜速論功行賞以慰將士之心而營繕大內顧興不急之役陪課郡國之賦入使民重困諸國則國司秉權賤吏乘勢豪奪貞



應以後新建莊園在廳官人檢非違使健兒所等擅作  
威福而守護懷失職之歎且如將軍家人之號賴朝以  
來相承有年逮于聖世削奪其號將門名族降伍編氓  
怨讟之興職此之由足利尊氏新田義貞楠正成赤松  
則村名和長年等殄滅大慙効忠皇室同功一體固無  
優劣而至則村褫前所補守護職僅賜其舊邑不知則  
村何罪而陛下遇之如此也古云賞當其功則有忠者  
進罰當其罪則有咎者退當今之政不啻賞罰失當將  
俾綸旨有翻覆之譏陛下之政如此而此馬適至是殆  
胎駝亂也夫德之流行速於置郵而傳命則聖化及遠

何須此馬異時若有不逞之徒方命倡亂天下之士將  
響應景從則此馬適足以為軍國告急之資也伏願陛  
下裁玩物之志而留心於仁政矣帝不懌而罷及後足  
利尊氏反帝遣久乘天馬召新田義貞於尾張半道而  
斃果如其言○秋八月有怪鳥夜鳴紫宸殿上藤原廣  
有射獲之人首蛇身長丈餘太平記○九月內大臣藤原  
公賢罷以準大臣藤原之房為內大臣補任○冬十月權  
中納言藤原藤房棄官而去時帝方事興作耽於宴遊  
藤房屢諫之帝不納藤房謂為臣之道於我盡矣一夕  
侍帝諷以比干夷齊之事至曉而退即放還車徒徑入



北山巖藏為僧按藤房為僧本為書為帝大驚命父宣房

索之將再任用宣房馳至巖藏則藤房既去矣太平記

右大臣藤原經忠罷以前關白冬教為右大臣補○禁

兵部卿護良親王於馬場殿初親王惡足利尊氏所為

欲除之密下令徵諸國兵士尊氏知其終不利已結帝

寵姬藤原氏誣以謀反因上其徵兵書使藤原氏徵焉

帝素不悅親王違詔然以其建大勲勉從其請及得尊

氏奏赫然發怒託中宮和歌會召親王命武士執之誅

其親臣三十餘人親王憂憤莫能自明上書訴冤有司

畏憚屏而不奏○十一月派護良親王於鎌倉足利直

義遣兵衛護幽之地牢太平記○是歲以上野太守成良

親王為征夷大將軍正統記置關東廂番以足利氏族掌

治其事建武二年○二年春二月左大臣藤原道平薨內

大臣藤原定房罷以右大臣藤原冬教為左大臣前內

大臣藤原公賢為右大臣權大納言藤原經通為內大

臣經通內經之子也補○夏六月權大納言藤原公宗

謀逆使左近衛中將源定平等收之禁于定平第太平記

公宗實衡之子也補○秋七月北條時行嘯聚餘黨作

亂族人名越時兼應之時行進攻鎌倉足利直義距戰

敗績時行乘勝進直義奉成良親王西走慮護良親王



為患使淵邊義博殺之窟中幽暗親王方照燭讀經見  
義博奮然起曰汝欲殺我乎進奪其刀義博乃斫膝踏  
之親王縮頸啣刀折鋒寸許義博更拔副刀刺之遂遇  
害時年二十八義博提其首將示直義視其面如生猶  
銜刀鋒異而棄去侍姬索而獲之目猶未瞑乃與致光  
院僧收屍火之齋首歸京師天下聞而寃之太平記○八  
月藤原公宗伏誅補任初公宗累世與鎌倉相為板援椒  
房之選每出其家以故貴顯無比自高時伏誅公宗內  
不自安常思復北條氏匿高時弟泰家日夜共謀作亂  
乃計欲令泰家及高時子時行等一時並起竊圖弑帝

為浴室于北山第牀下多植刀及設機可陷邀帝遊宴  
帝許之至期弟公重馳上變即遣兵收之至是密令各  
和長年誅之太平記○初天下新定政歸皇室朝臣方欲  
賴恢復遽革郡縣兵馬之制一復往古排抑武人守護  
威令不行所在將軍家人下編民伍由是眾情憤怨思  
天下之權復出將門足利尊氏素有大志矜貴自居寵  
擢驟至意望不厭期必得源賴朝之比常窺時變圖以  
濟宿謀直義為之計畫然外示忠款以媚朝廷帝不之  
悟及陷護良親王奸計滋甚太平記梅松論會北條時行破鎌  
倉兵勢日熾太平記尊氏苦請往討詔許之又請任征夷



將軍管領東國帝不聽更任征東將軍正統記○保歷

誤尊氏怒不辭而發於是武人失職者一時雲從梅松論

遂與直義擊時行破之進入鎌倉太平記帝遣藏人頭源

具光召還之尊氏不奉詔保曆間記○冬十月足利尊

氏自署征夷將軍東國管領遂據鎌倉友擢賞有功撫

納降附關東之士多歸之者時新田義貞亦以源氏宗

胄族望侔於尊氏俱為中興勲臣尊氏每害其功至是

盤據關東八州之地擁兵數萬自謂乘此時除義貞則

其勢足控制朝廷而執天下之權也又欲帝助己以討

之上書列其罪狀乃命奪義貞領邑在關東悉分配部

下義貞聞之亦收管內所有足利氏采邑上書陳其逆

狀帝聞直義殺護良親王事大怒西國又進尊氏反書

遂命討尊氏太平記時尊氏因賴朝舊址大營第宅叛意

益堅梅松論○十一月以參議源顯家為鎮守府將軍建武

二年以中務卿尊良親王管領東國賜節刀于左兵衛

督新田義貞將兵六萬七千餘自東海道兵部少輔脇

屋義助治部大輔宇都宮公經肥後守菊池武重左近

將監大友貞載塩冶高貞等屬之大智院宮名彈正尹

忠房親王權中納言藤原實世修理亮江田行義等將

兵五千餘自東山道以討足利尊氏義良親王鎮守府



將軍源頭家族陸奧出羽兵並與諸軍會義貞與尊氏

兵戰于矢矧走之○細川定禪起兵讚岐應尊氏備前

人飽浦信胤田井信高反據福山城太平記○詔削奪尊

氏等官爵補任○越中守護普門利清反能登國司近衛

中將源定清死之太平記○左大臣藤原冬教罷以前右

大臣藤原經忠為左大臣補任○十二月新田義貞與足

利直義戰于手越河原大敗之義貞進與直義相持于

筥根脇屋義助大友貞載塩治高貞等奉尊良親王與

尊氏戰于竹下敗績左近衛中將藤原為冬死之貞載

高貞降尊氏官軍大潰退屯尾張○召新田義貞還京

師足利尊氏躡官軍後西上招誘諸道兵竝趣京師○

赤松則村叛丹波人久下時重波波伯部為光中澤玄

甫應足利尊氏攻守護碓井盛景盛景走攝津○延元

元年春正月使左兵衛督新田義貞守大渡權大納言

藤原公泰兵部少輔脇屋義助守山崎河內守楠正成

守宇治參議源忠顯伯耆守名和長年結城親光等守

勢多權大納言藤原師基守峰堂○久下時重等攻峰

堂師基敗走時重等進據老坂兵部大輔江田行義擊

時重走之尊氏攻大渡細川定禪赤松範資攻山崎官

軍敗走宇都宮公綱大友氏泰降于尊氏義貞走還京



師帝奉神器及二法皇幸延歷寺細川之禪陷京師縱  
火燒營尊氏進入京師遣定禪據園城寺○鎮守府將  
軍源顯家奉義良親王率軍尾尊氏至坂本尋而彈正  
尹忠房親王權中納言藤原實世等帥兵二萬至自東  
山道與新田義貞楠正成名和長年等擊尊氏大破之  
尊氏西走遂復京師○二月宇都宮公綱來降源頭家  
新田義貞楠正成追足利尊氏至攝津累戰破之尊氏  
直義走筑紫義貞等振旅還京師○初藤原行房女弟  
入宮充掌侍為勾當有殊色義貞嘗夜直見其月下彈  
箏心竊悅之贈和歌道其情不報及車駕還京帝賜以

掌侍義貞繾綣溺愛逗撓不進使尊氏得逸京師再陷

而中興之業不成議者憾焉記太平以義良親王為陸

奧太守源頭家為鎮守府大將軍建武二年與結城宗廣

奉以歸鎮親王任陸奧太守始此正統元年弘時仁木

賴章據丹波高山寺赤松則村據播磨白旗城石橋和

義起備前於是美作備中土豪一時奮起悉應尊氏太平

記○成良親王罷征夷大將軍職原抄○三月詔左近衛

中將新田義貞管領山陽山陰十六州討足利尊氏義

貞適疾遣江田行義大館氏明于播磨擊赤松則村敗

之義貞尋發圍則村於白旗城則村詐請降義貞信之



馳取朝旨往反十餘日則村既已繕完守備乃為嫚言

指斥朝廷義貞怒合圍數重意期必拔而旬餘不能下

乃遣義助攻石橋和義於船坂山○夏四月後伏見法

皇崩壽四十九享年據正統記○備後守兒島範長及子高德

起兵備前熊山與脇屋義助攻船坂城拔之義助進圍

三石城太平記○置武者ヤハ所以新田氏族為長官建武二年記

○五月足利尊氏將舟師七千餘艘直義將步騎二十

萬水陸並進直義攻福山城大井田氏經敗走脇屋義

助馳使告敗新田義貞報曰賊水陸並進若欲遏陸軍

恐水軍直入犯闕不若且退攝津以扼兩軍而蔽帝都

子宜解圍還會山里也義貞竟解白旗之圍退屯兵庫

士卒逃亡過半馳驛以聞舉朝震駭乃命河內守楠正

成赴援忒成奏曰敵收九州軍勢猖獗以我疲兵恐不

能禦互召還義貞車駕移蹕山門縱敵入京師招集畿

甸兵塞水路絕糧運待其疲散然後前後齊進可一舉

而斃也義貞之計亦當及此但不戰而退涉于物議故

不輒歸耳夫戰者雖始之或負欲終之有利請加再思

參議藤原清忠曰自王師東征迄賊西走威靈所加莫

不以寡制衆是皆天助非戰略也況今賊軍必不及嚮

時之盛且節度使未與賊接鋒而陛下遽棄京師則征



討將士亦將生退志今春已幸延歷寺今復移蹕于彼  
 何以示萬乘之重哉臣謂宜速遣正成決戰都外帝從  
 其言正成至櫻井驛以帝所賜菊作刀與子正行以菊作刀  
 與正行據天戒以滅賊匡天下之言遣還河內遂進陣  
 湊川與直義接戰死之其母不拜而哭  
 外史氏曰方足利尊氏悉九州之精銳席卷而東也  
 其鋒不可當而義貞驅疲兵集散卒決勝負於一戰  
 固為失策曷使帝從正成之言義貞義助諸將旋  
 軍引敵入京師曠日持久以撓其銳氣然後設奇計  
 以擊之蔑不捷也惜乎帝慮不及此用少年推鋒

六之計一敗塗地終使姦賊得志可嘆也夫

義貞與尊氏戰于兵庫敗績走歸京師車駕倉皇幸延

曆寺促法皇廢主詣行在太平記法皇廢主稱病留京師

尊氏進陷京師元弘日初尊氏之走兵庫也赤松則村

說尊氏曰今士卒疲弊不可濟功宜暫趣筑紫休士養

銳徐議再舉也夫戰以旌旗為眼目官軍皆樹錦旗而

我無之故彼以我為賊也自鎌倉滅持明院上皇內懷

快鬱若請其院宣建以錦旗天下之士莫不響應今茲

大將軍在西而出軍東方此所以無利也今如鎮西以

狗四國九州率軍以東上此萬全之策也尊氏從之至



是軍果有功太平六月足利尊氏入據東寺迎法皇

廢主于男山北條家西源院遣兵犯行在新田義貞及

諸將守東坂穿塹施柵又列戰艦于湖上選射手以備

防禦賊兵不得迫近參議源忠顯左近衛少將藤原雅

忠守西坂恃險不設備賊兵進攻之忠顯雅忠死之賊

兵乘勝來進義貞公綱等赴援破之賊兵大潰自相踏

藉死者千計義貞因屯大嶽使義助守東坂明日賊兵

又攻東坂填塹燒樓櫓官軍叢鏃射之飛矢雨下賊兵

死傷甚眾義助等開門出盪土居通治得能通言等率

兵陣白鳥冑見義助出戰徑進橫擊賊軍遂引退始約

兩坂有急各鳴鐘相報詰且有群猿亂撞寺鐘諸軍以

為敵至爭馳集東西坂賊軍望而擾動因下擊大敗之

賊人馬蹂躪死者無算獲賊將高師重賊兵遂潰散義

貞進攻東寺不利名和長年死之按本書長年戰死係

樂記○秋七月前權大納言藤原師基率北國兵至延曆

寺官軍又振新田義貞及師基分兵二道並進攻東寺

有叛者以計報賊義貞復敗歸坂本帝以為官軍累敗

由僧徒漏謀詔以本州國衙充延曆寺以悅僧徒之心

於是僧徒移牒興福寺乞援興福寺應之近畿兵士相

踵送款乃分遣諸將扼要害絕賊餉道賊軍大困義貞



乃與諸將刻日四面攻京至期義貞入辭帝温顏勞獎親剪所御紅袴以頒賜士卒義貞感激拜謝曰成敗利鈍非臣之所逆料但臣今日不向賊發一矢者必不生還乃分兵為三所在縱火轉鬪而前賊兵皆披靡莫敢拒者遂至東寺望尊氏營大呼曰天下洶洶以吾二人勿徒求功利害生民為也願單騎決戰乃注箭射之矢軼樓櫓著尊氏所坐屋柱沒鏃矣俄而賊兵從後奄至義貞馳突而出賊復雲合圍之數重射中其額流血淋漓義貞決死力戰初帝寸斷紅袴以賜將士士皆奮激綴之笠號而出至是其兵八百殊死而戰潰圍入擁義

貞而去

太平記

○八月足利尊氏奉後伏見皇子豐仁親

王稱帝于京師是為光明院仍用建武號

皇紀略記

○冬十

月初帝幸延曆寺自六月至九月從駕士二十萬皆取

給於僧徒至是敵又斷東北餉道官軍屢出爭之不克

軍士饑困逃亡相繼部伍日減足利尊氏上書陽降請

車駕還京師帝聽之勅新田義貞奉皇太子專勾當軍

國事經略北國○車駕還京師御華山院足利尊氏置

兵監衛奪公卿以下官職拘諸將士○新田義貞與藤

原實世等奉皇太子赴北國尊澄法親王走遠江式部

卿懷良親王走吉野藤原隆資走紀伊藤原師基藤原



光繼源定平走河内前大納言源親房走伊勢載本師基

光繼親房今據皇太子至近江鹽津土居通治得能通

言遇敵戰沒進至越前氣比社司氣比氏治迎入金崎力子ガ

城足利高經仁木賴章等將大兵來攻城兵乘高連發

矢石敵死者日千數竟不能拔記太平○十一月足利尊

氏請傳神器于新主帝以偽器授之記皇紀略所藏○

越前人瓜生保起兵杣山推式部大輔脇屋義治為將

足利高經分兵攻杣山保擊走之記太平○新主以帝第

七子成良親王為太子記正統○左近衛少將源頭信起

兵伊勢保曆○十二月帝潛出華山院幸吉野本書係

從元弘日初帝之在華山院足利尊氏分拘左右侍臣

獨縱三條景繁得給事焉一日景繁因勾當内侍奏曰

新田義貞據金崎城累破賊兵而劍白山僧徒攻富樫

介那多城拔之謀為義貞援北國官軍復振而從駕將

士為賊所拘者如菊池武重日吉加賀法眼等今多逃

去舉義本國賊滅之機已兆矣願陛下乘間幸大和據

險保守頒詔四方以增義旅之聲勢耀皇威于宇内也

帝喜夜蒙婦人衣使内侍齎三神器從壞垣而出景繁

擁帝上馬負擔神器與公卿數人從之時夜闇咫尺不

辨記太平帝望路傍隱然如有祠宇顧問之侍從忠房忠



姓對曰稻荷祠也帝作歌禱之忽有赤氣如炬起于祠

上照路如畫吉野拾遺隨光南行天明至穴生遣景繁招諭

吉野山僧徒吉水院主宗信等遣僧兵三百來迎帶刀

楠正行和田正朝真木定觀等亦率兵迎衛近畿兵日

至行在乃使渡邊忠景賜詔書于新田義貞令圖興復

太平記○足利尊氏幽成良親王正統記○二年春正月伊

賀守里見時成及瓜生保僧義鑑率兵援金崎不克死

之自是外援斷絕糧食已竭採海物以充食後乃每旦

宰馬以食將士而天時方暖雪消路通敵兵日集城下

至十萬三月義貞與義助藤原實世潛踰城赴杣山招

徠援兵敵兵遂陷金崎城皇太子被執尊良親王及藤

原行房新田義顯里見時義氣比氏治等死之○是夏

前治部大輔宇都宮公綱至吉野尊澄法親王起兵于

遠江井伊城大館氏明起伊豫江田行義守丹波高山

寺城治部大輔金谷經氏守丹生山北條時行馳使奏

請討足利尊氏自贖詔許之○秋八月鎮守府將軍源

顯家奉義良親王率兵西上與足利義詮兵戰于利根

河破之太平記奉義良據正統記義詮小名千壽王尊氏次子也系圖

初尊氏之屬官軍義詮在鎌倉家人抱走下野高時滅

後家人奉義詮居鎌倉尊氏遣細川和氏等輔之關東



將士多去義貞而歸義詮梅松論○冬十二月宇都宮

公緝新田義興北條時行等發兵會源頭家進攻鎌倉

克之足利義詮出走義興義貞次子也是冬義貞據杣

山與足利高經相持○三年北朝曆應元年春正月源頭家與

土岐賴遠桃井直常戰于青野原敗之太平記○前内大

臣藤原定房薨補任家稱吉田定房經長之子也系圖定房

父子相繼諳練朝典並有日錄經長所記曰吉續記定

房曰吉槐記○二月源頭家與高師泰戰于雲津川敗

之三刀谷文書進屯南都太平記與桃井直常戰于南都

及四天王寺敗績走河内義良親王宗良親王赴吉野

參取元弘日記裏書太平記李花集宗良即尊澄蓄髮更名宗良新葉集○

新田義貞拔越前府城足利高經走保足羽城餘黨望

風崩潰北陸響應四方義軍復起○三月源頭家出師

和泉遣弟頭信守男山高師直進圍之○夏四月足利

尊氏酖皇太子恒良及成良親王初太子之被執也足

利高經檢視首級惟有新田義頭里見義氏首高經問

太子以義貞義助等存亡太子以為以實告之則彼必

急攻杣山乃給之曰聞昨日薄暮義貞兄弟自殺從者

火屍營中高經信之以杣山無勅敵彼自出降不須勞

師使兵士護送太子於京師與成良親王共幽一室及



是義貞義助出杣山連拔數城兵勢大振尊氏直義大  
 怒曰是信東宮之言而緩杣山之故也乃命粟原氏光  
 酖焉氏光齋藥謁曰太子幽鬱恐生疾直義使臣獻藥  
 成良曰無病進藥是愛我也焉有愛人而幽閉一室者  
 乎是必毒藥也將投之地太子曰彼欲殺我縱不飲此  
 豈有全理乃偕成良飲藥而薨太平記五月源頭家與  
 高師直戰于界浦死之正統記是夏手詔促新田義貞  
 救男山義貞遣義助率兵赴援秋七月高師直縱火  
 焚石清水宮太平記源頭信棄男山保河內元弘日脇屋  
 義助至敦賀聞男山陷班師閏月左近衛中將新田

義貞攻藤島軍敗死之初義貞圖取黑丸城足利高經  
 恟懼築七營以備之會平泉寺僧徒又叛保藤島城以  
 應高經義貞欲攻之率兵渡足羽河旗仆中流眾以為  
 不祥義貞分兵攻七營藤島兵擾動官軍乘勢攻之不  
 利義貞聞之急引騎五十間道赴援高經遣兵三百救  
 藤島兩軍適遇敵隱楯亂射義貞兵不持排楯又無射  
 手士卒以身扞義貞義貞欲馳突敵軍從士中野宗昌  
宗昌據金勝院本太平記止之曰千鈞之弩不為鱗鼉發機無為君  
 以身殉之也義貞不聽徑馳踰塹馬躓而僵適有流矢  
 中其額義貞終自剄而死年三十八享年據從士皆劄



腹而死時霧雨昏濛故餘眾竟無赴援者迨知其死逃  
 散略盡北國不復支初義貞盛上所賜手詔於錦囊而  
 繫之首至是敵兵獲其首不的知其為義貞高經檢視  
 之得其所繫手詔始知其為義貞也脇屋義助收兵據  
 越前府太平記○以左近衛少將源頭信為鎮守府將軍  
 兼陸奥介與前上野介結城宗廣奉義良親王出鎮陸  
 奥節度東北諸軍事前大納言源親房輔之參取正統  
記元弘日  
記裏書  
太平記○尊澄法親王左兵衛佐新田義興左馬權頭  
 北條時行經略東國並由海道太平記○九月義良親王  
 蒞伊勢海上遇風船皆飄蕩親王船漂至伊勢篠島太平

記篠島作神風濱今從  
新葉集開城書裏書宗良親王船漂至遠江李花集  
天正本

大平記元弘源親房漂至常陸撫定郡縣正統記  
開城書○四

北朝曆年春三月義良親王還吉野正統記○秋八月帝

不豫太平記立義良親王為皇太子新葉集尋而禪位帝崩

於吉野宮壽五十二正統記吉野拾遺在位二十一年正統記改

元者八曰元應元亨正中嘉曆元德元弘建武延元略記

帝天姿英毅博通書史增鏡正統記即位之初留心政事置

記錄所以聽庶政及元弘兵興蒙塵數年遂復大位後

狩吉野正統記臨終以元兇未殄為恨遺命薄葬務圖恢

復慷慨按劍以崩太平記皇太子立是為後村上天皇

皇朝史略 卷十一 三十六



外史氏曰 帝以英邁之姿慕延喜延久之風銳意圖治元應之政有可觀者播遷之禍雖 帝自取然非素有失德取怨於天下故海內憤怒英雄陳力竟能以少康一旅之衆復齊襄九世之讐雖 帝之英斷使然亦會時之可為也及其欲滿志得極奢侈荒盤樂信讒言黜忠勲終致大亂使逆賊滔天而京師再陷此無他由駕馭失宜而措置乖方故也請嘗論之夫天下者大器安則難傾傾則難正顧在措置之術何如耳方 帝之復位相親房滕房使正成長年之徒護衛京師義貞奉護良出鎮鎌倉如此則不惟海內得安王室之盛殆將復往古惜乎 帝雄武有餘而英略不足才智絕人而明德有闕此其所以大業不終僅止偏安者歟







掌機務時軍國多故行宮湫隘諸儀不行唯拜神器而止○炆時能與足利高經戰于伊地山死之時能武藏人勇悍多力膽略絕人每戰未嘗敗初從新田義貞屢立戰功及義貞死從脇屋義助唱義北國累破高經兵至是中流矢而死○脇屋義助保根尾城主岐賴遠土岐賴康攻而陷之義助收餘衆間行至吉野帝慰勞甚至加爵一級從兵皆授官賜物大納言藤原實世曰義助累敗無所依歸而後奔投朝廷乃厚加賞獎何以異於治承之賞維盛哉中納言藤原隆資曰義助敗讎非謀之不臧蓋由朝廷處置失宜故也何則古之命將專

任責成事不從中制俾三軍之士唯將令之聽故能克敵成功乃者北國之役軍士每有所訴不須將之指麾直取朝裁而行在侍從之臣有所請輒賜以北國戰勝之地將權日輕士心日驕是皆取敗之道而非戰之罪也昔者孟明視西乞術爲晉所敗秦穆引咎自責由是觀之朝廷之於義助亦所以激勵之豈可與夫賞維盛同日而論哉○十二月宣遺詔勤王時楠正行和田正朝率兵警衛行宮征東將軍宗良親王在遠江征西將軍懷良親王在筑紫鎮守府將軍源顯信左近衛少將新田義宗左兵衛佐新田義興其宗族江田大館及土



居得能菊池三角櫻山之徒並據州郡圖恢復太平是

冬官軍與敵將高師冬戰于常陸下結矢部文書興

國元年北朝曆應三年○按閔城書裏書和漢合運春

三月伊豫義徒奏請將帥會備前人佐佐木信胤歸順

道路始通遣刑部卿脇屋義助總督四國九州諸軍

五月脇屋義助卒初義助至伊豫國司藤原有資守護

大館氏明及土居得能土肥河田武市日吉等諸族大

得聲勢官軍復振敵兵棄城而逃至是諸軍沮喪四國

尋陷太平○鎮守府將軍源顯信發伊勢赴陸奧入白

河城前大納言源親房遣兵襲賊徒於下結駒館城高

師冬火營而逃元弘日記裏○秋九月細川賴春陷井

田城左馬助大館氏明死之太平○是歲高師泰陷井

伊城保曆間記裏書宗良親王奔越後李花○二年北

曆應四年夏六月高師冬攻源親房源顯時於小田城親房

出兵擊敗之別府文書○是夏源親房迎興良親

王於京師興良護良親王之子也阿蘇宮文書本帝

王系圖○冬十一月小田治久降于師冬親房走保關城

顯時走保大寶城別府文書乞援結城親朝親朝不聽

結城文書○四年北朝關大寶二城陷源親房等走至吉

野別府文書結城親朝降于足利尊氏結城○五年北



康永三年春三月侍從源顯國與敵兵戰于大寶城死之常樂

記吉田葉顯國親房之族也文烟田氏○六年北朝貞和元年兒

島高德荻野朝忠迎式部大輔脇屋義治於上野起兵

朝忠與山名時氏戰于丹波敗績朝忠出降義治高德

入京師潛謀襲足利尊氏事敗走信濃義治義助之子

也太平記○正平二年北朝貞和三年秋九月足利尊氏遣其將

細川顯氏以兵三千來攻河內距金剛山七里而舍聞

正行將攻矢尾城謀斷其後塵之正行探聽率兵七百

佯向矢尾縱火所在潛還蔽譽田林而陣顯氏望矢尾

煙以為敵果攻之乃馳赴金剛山無復隊伍比過譽曰

正行兵大呼突出顯氏大敗直奔保四天王寺異本太平記

○冬十一月楠正行邀擊山名時氏細川顯氏於瓜生

野大敗之餘眾潰走至渡邊橋溺者無算時氏被創走

園大曆太平記○三年北朝貞和四年春正月賊將高師直將兵八萬

侵河內河內守楠正行及楠正時和田正朝和田賢秀

與師直戰於四條斃死之本書為正平四年初師直之入

寇也正行詣行宮奏曰曩者先臣正成展微力平強敵

以安宸憂無幾天下復亂逆徒入寇終致死於湊川臣

時年十一遺言遣還河內糾合義旅欲殄滅兇逆俾宇

內再歸皇化也臣年既壯常恐一旦嬰疾孤負遺命方



今師直師泰來犯實臣報効之秋也若非獲彼首則臣必授首於彼雌雄之決在此一戰願得一拜龍顏而去言畢泣下帝慰諭之正行頓首而出率眾拜後醍醐帝廟題和歌於如意輪堂壁曰加倍羅自斗如禰氏於毛倍波阿豆佐由美奈幾嘉儒珥以流奈烏曾斗斗牟流至是果戰死初瓜生野之戰正行援敵溺卒五百人給衣藥視養數日因與鎧馬禮而遣之敵或感恩來降及是悉皆從死師直進逼吉野帝出幸穴太師直遂火行宮而還楠正儀與師泰相持石川正儀正行之弟也○夏五月紀伊官軍與足利直冬戰敗績太平記○冬十月

光明院傳位於太子興仁是為崇光院○十一月花園

法皇崩于萩原殿壽五十二園大○五年北朝觀應元年冬十

二月足利直義歸順初直義助尊氏為逆姦謀密策多

成其手及尊氏擁立光明院為征夷大將軍直義為副

將軍執政數年威權赫奕薰灼一時公卿以下贈遺相

繼當時與尊氏並稱曰兩御所直義初無子養尊氏庶

長子直冬為子時僧妙喆以禪教為直義所崇信勢利

之徒阿諛奔走貨賂山積高師直師泰惡其所為屢加

陵辱妙喆銜之上杉重能畠山直宗雅與師直不協乃

深結妙喆謀除師直等妙喆勸直義圖之直義納之乃



以直冬為中國探題欲令居外為援既而謀泄師直師  
泰集兵自備都下繹騷尊氏召直義謀事師直師泰率  
兵五萬圍之尊氏責以大義師直請必獲直宗重能等  
而退兵尊氏不得已許其所請師直乃解圍而退尊氏  
罷直義政務召義詮于京師使掌軍政流重能直宗於  
越前師直乃退師尋逼殺重能直宗又命中國將士攻  
直冬直冬走肥後直義屏居無聊懼嬰飛禍每不自安  
竟剃髮號慧源示無用世之意至是直冬起兵鎮西師  
直勸尊氏親往討之且請殺直義太平直義走匿大和  
上書請降大納言藤原實世建言車駕播越百姓流離

十餘年於今皆彼兜豎所為而今窮蹙乞命蓋欲藉天

威以復私讐耳宜乘機誅戮以絕後患左大臣藤原師

基等議謂直義降則尊氏自平帝從之詔直義討尊氏

畠山國清棄石川之圍應之○六年北朝觀應二年春正月上

杉能憲起兵鎌倉遙應官軍攻高師冬殺之○左馬頭

足利直義等將兵進據男山桃井直常歸順據延曆寺

將攻京師足利義詮棄京師走直常入京師時尊氏討

直冬在備前聞直義歸順急引兵還遇義詮于西郊俱

還攻直常直常敗走既而尊氏將士多降直義明日尊

氏與義詮西走桃井直常還守京師直義使石塔賴房



攻尊氏於書馬山連戰敗之直義又使畠山國清上杉  
義依援賴房與尊氏戰于御影濱大敗之尊氏狼狽入  
松岡城將自殺會饗場氏直至國清營議和尊氏遂還  
京師直義往會之高師直師泰披剃出降道為上杉顯  
能所殺師直世仕足利氏及尊氏起兵從滅六波羅以  
功為武藏守後屢建戰功尊氏甚親任之威權無比雖  
勲舊將士視其瞋笑以為喜懼性又貪淫擅張兇威逞  
其毒螫怨望者多大營第宅尤極壯麗又多略諸王公  
卿子女分匿數所每夜就淫焉塩冶高貞妻有姿色師  
直百計挑之不聽事播都下乃欲陷高貞以奪其妻遂

誣其反高貞挈家走出雲師直怒曰恨不早發失此美

女子也遽請尊氏發兵追之且囑必生致其妻追兵及

之高貞妻道自殺高貞走至出雲亦自殺其淫虐率此

類也太平記○二月將軍塚震動皇年代略記○三月足利直

義畠山國清復叛○夏六月赤松則祐歸順請奉征夷

將軍興良起兵討足利尊氏聽之園大曆太平記○秋八月足

利尊氏請降不聽園大曆○冬十月足利尊氏復請降許

之詔討直義園大曆太平記初尊氏與直義講和罷義詮政事

復令直義掌之而內甚不相能既而仁木賴章細川賴

春土岐賴康佐佐木高氏與石塔賴房桃井直常等互



賴毒  
賴春

相猜忌各懷危懼於是浮言沸騰釁端復開賴章賴毒  
 等各逃還領國直義聞之亦奔越前將士多從之於是  
 尊氏將兵討之太平記與直義將細川顯氏畠山國清桃  
 井直常戰于八相山破之國清顯氏勸直義講和不就  
 乃率部眾降尊氏直義走鎌倉天正本太平記尊氏乃還京師  
 謀復往擊之而懼京師空虛為官軍所襲屢遣使吉野  
 請廢崇光院迎車駕帝不許時赤松則祐在吉野尊氏  
 又因則祐請降帝佯許之賜詔書使討直義廢遣以下據園天曆  
 者東寺長補任尊氏乃使義詮留守京師親率諸將發十一  
 月足利義詮請車駕還京師詔許之義詮廢崇光院及

太弟直仁去觀應號奉正平號續神皇正統記○十二月以前

左大臣藤原師基為關白補任源親房準三宮領賞從駕

群臣有差太平記崇光院所署關白藤原良基以下公卿

百僚皆詣行宮太平記○足利尊氏屯薩埵山宇都宮氏

網起兵應之與桃井直常累戰破之直義走匿伊豆山

尊氏遣畠山國清等貽書招之直義出降七年北朝文和

元年春二月足利尊氏殺弟直義○車駕發賀名生至東

條百僚戎衣○閏月車駕至男山右近衛大將源顯能

右近衛少將源顯經楠正儀和田正忠等入京師與細

川顯氏細川賴春戰破之斬賴春足利義詮走近江○



初義詮之納款也帝遣由良信阿敕新田義興新田義宗及脇屋義治曰朝廷講和實一時之權宜卿等宜及時稱兵以除賊魁於是義宗等招集義旅得十餘萬進至武藏與尊氏戰于小手差原殺傷相當賊將饗庭氏直所部六千皆少壯挿梅花於兜鍪號曰花隊我兵兒玉黨七千餘人皆畫團扇為旗號義宗曰扇有風可以散花麾而進之氏直果敗賊衆隨潰義宗率輕騎五百追尊氏馳數里至石濱幾獲之其左右二十餘人力戰而死尊氏僅得脫去會日已暝後軍無繼義宗乃退保笛吹嶺兵士復集者三萬餘奉宗良親王為元帥時義

興義治襲鎌倉足利基氏遁走尊氏來攻笛吹義宗距

戰敗績遂奔越後兵士悉降于尊氏○三月新田義興

脇屋義治棄鎌倉保河村城太平記鎮守府將軍源顯信

起兵陸奥討賊不克保宇津峯城相馬文書○先是迎

光嚴光明崇光三主及直仁親王於男山行宮太平記至

是徙之於東條園大○足利義詮進屯東山源顯能陣

淀赤井義詮又進陣東寺顯能退軍男山赤松則祐叛

降于義詮○夏四月足利義詮犯男山源顯能楠正儀

和田正忠等拒戰於園殿口佐羅科賊縱火民舍攻之

官軍不利而退○五月楠正儀和田正忠還河內圖集



兵爲聲援正忠病卒○賊兵圍男山自三月至是月官軍糧竭人無固志會矢野下野守湯川庄司等三百餘人叛降義詮官軍不能支帝乃擐甲騎馬潰圍而出賊前後來逼權大納言藤原隆資中納言藤原雅賢等死之一宮有種追及帝藤原康長擊踣之至木津河賊又圍而射之矢及御鎧康長單騎扈從距戰甚力俄而有官軍百餘來擊賊卻之遂還賀名生先是帝駐蹕天王寺兒島高德應召至行在帝詔高德趣東國北國招誘義旅以圖興復高德乃至關東說新田義興脇屋義治等令入援行在時尊氏猶在東國義興義治留拒尊氏

新田義宗桃井直常吉良滿貞及土居得能等各率諸

國兵勤王未至男山陷諸將引還若官軍距守少延數

日賊將自退議者惜焉太平記○六月幽光嚴光明崇光

三主及直仁親王於賀名生別宮園大曆太平記吉野拾遺○秋七

月宇津峰城陷鎮守府將軍源顯信走赴吉野相馬文書○

八月左大臣藤原經忠薨尊卑分脈公卿補任○足利義詮奉光

嚴院子彌仁親王稱帝于京師是為後光嚴院園大曆太平記

○九月山名時氏山名師義起兵伯耆徇出雲因幡隱

岐馳使歸順○冬十一月足利直冬歸順本書為正平九年春今從

園大曆初直冬支鎮西納少貳賴尚女為妻往居其家九



國服從兵勢大振石見人三角某等亦遙為之聲援及

直義為尊氏所殺國人皆畔之太平直冬走長門據豐

田城至是因吉良滿貞石塔賴房納款北朝八年和

春三月鎮西諸將應足利直冬兵勢大振山名時氏收

美作園大夏五月山名時氏等發伯耆救大納言藤

原教忠中納言藤原隆俊左兵衛督藤原康長左馬頭

楠正儀和泉守和田正武彈正少弼赤松氏範等率和

泉河內大和紀伊兵會時氏○六月諸將與足利義詮

戰敗之義詮奉新主走近江官軍收京師太平教忠據園大

曆詔公卿預新主踐阼及從之東走者解官沒居第園大

曆○秋七月足利義詮進逼京師時山名時氏引還伯

耆諸將亦退太平義詮復入京師○九月足利尊氏奉

新主還京師園大敵軍復振太平○以右兵衛佐足利

直冬為總追捕使園大

外史氏曰後村上帝以一旅之眾僅保吉野所恃

者名分而已足利尊氏擁立新主號令四海而不敢

犯吉野其所畏者亦名分而已方直義之納款也使

帝能用藤原實世之言誅之以正典刑庶足以張

皇威振紀綱也而帝不能用直冬以梟獍之姿一

且窮蹙無所投足然後歸身朝廷以圖抗父悖逆之



甚罪不容誅而帝又納之欲藉其力以滅逆賊何其惑也夫以吉野區區之衆能使逆賊寒心落膽不敢抗之者以名分僅存也今乃納悖逆之徒不惟不誅之又從而寵秩之是以堂堂朝廷為逋逃之淵藪也其何以能服天下之心哉向使帝誅二賊以明大義天下之人豈有不響應者哉然後命將出師則逆賊可滅而天下可平矣今則不然賞獎悖逆惟恐不及竟使逆賊得以藉口自是之後天下日尋干戈亂臣賊子接武於世者亦由名分紊而彝倫斁故也嗚呼為人君者可不防其漸哉

九年北朝文和三年夏四月准三宮源親房薨常樂記親房具

平親王之後大納言師重之子也家稱中院又北畠尊甲

分脈親房遭亂間閔流離艱難備嘗未嘗一日忘王室閔城

書親房博洽貫穿古今所著有職原抄神皇正統記世

與藤原宣房源定房並稱為後三房後三房據卧雲日件錄親房

深嘆中興不終皇統垂絕乃推本皇祖建國之意為正

統記上起神代下迄興國揭皇統於已微以明神器之

有歸其顯微扶正頗有合春秋遺旨云正統記○冬十二

月足利直冬山名時氏奉詔發伯耆兵討足利尊氏足

利高經桃井直常率北國兵應之兵勢甚盛尊氏使義



詮屯播磨班鳩驛備之直冬時氏等進至丹波尊氏以

京師兵寡不可守乃奉新主走近江按本書為明年正月事今從歷代皇

紀皇年○十年北朝文和四年春正月足利直冬山名時氏挑

井直常足利高經至京師○二月足利尊氏據延曆寺

足利直冬足利高經等據東寺遣大納言藤原隆俊左

兵衛督藤原康長據八幡山名時氏及子師義與足利

義詮戰于神南山敗績○三月諸軍與足利尊氏大戰

于七條敗績諸將退保住吉天王寺界浦直冬時氏

還伯耆尊氏義詮入京師太平記○秋八月聽光明院還

京師○征東將軍宗良親王起兵信濃諏訪祝某仁科

某應之○十一年北朝延元春正月足利高經叛降足利

尊氏○十二年北朝延二年春正月聽光嚴崇光二主及直

仁親王還京師園大曆直仁親王據太平記○十三年北朝延三年春肥

前守菊池武光與一色直氏等戰敗之聲勢大振大友

氏時少貳賴直望風屬之○夏四月足利尊氏卒尊氏

初以犯順人心不服擁立光明帝事必稟請及得志無

復所顧忌視其主如弁髦廢立出其意自兵興已來前

後二十餘年京師為爭戰之區宮殿焚蕩饑疫相踵盜

賊橫行死者枕藉而尊氏將士日鬪茶飲博競以奢靡

相夸錢帛器玩悉散與優妓賄賂公行冤獄荐興卒之



父子兄弟日尋干戈更相吞噬海內騷然無復寧歲矣

嘗敬信僧疎石為創天龍寺經費累鉅萬太平尊氏度

量恢弘有權略見事若遲緩而計畫分明特長譎詐人

無窺其際愛士好施視金帛如土芥嘗值八朔將士獻

物一時領與悉散盡士以此為其用云梅松論○秋八月

左大臣藤原實世薨園大○初新田義興弟義宗脇屋

義治等退保越後時武藏上野豪族連署請奉以為將

義宗義治疑而不應義興獨從百餘人至武藏於是義

貞勲舊之士所在來歸而二州豪族亦多通謀者時畠

山國清相足利基氏在鎌倉慮其為患數遣兵襲之不

克乃與竹澤良衡謀佯為負罪奪邑送款義興疑而未

信良衡迎美女少將于京師盛飾以進義興悅而寵之

良衡因使人屢道其忠赤無貳遂得見獻以鎧馬義興

益信之引參謀議適值九月十三夜良衡圖邀義興伏

兵以害之請義興許之會其寵姬少將貽書義興

止之義興稱疾不往良衡疑少將漏謀殺之義興不之

知數通書問良衡詐答以疾不報源數通以下據西良衡

因請國清得江戸堯寬俱謀事國清乃偽奪堯寬食邑

更置守吏堯寬逐之築城集兵陽為叛狀因良衡通義

興曰道誓無故奪邑無所容身欲報之怨而軍無司命



士卒不服願奉以為將臣族在鎌倉者數千人率以取  
鎌倉徇八州則天下可定矣義興許之冬十月義興僅  
從親信十餘人至矢口渡良衡堯寬豫鑿舟柁之伏兵  
岸側義興比至中流舟人乃抽柁逸去舟將沈伏兵悉  
起義興大罵曰乃為大不道人所欺七世必讐汝矣遂  
與井伊直秀直秀據井伊家譜等自盡而死良衡堯寬以其首  
獻基氏基氏厚賞二人使堯寬歸邑索殘黨堯寬還至  
矢口渡舟人載酒肴出迎俄而雷鳴波涌舟覆溺死堯  
寬駭怖馳走數里俄而黑雲一道自上掩至回顧見義  
興被甲騎馬追而射已即墜馬歐血悶絕昇至其家宛

轉攀緣為溺水扶七日而死後矢口渡數有光怪土人

立祠祀之云○十二月新主以足利義詮為征夷將軍

○十四年北朝延文四年秋七月征西將軍懷良親王率菊池

武光等討少貳賴尚八月官軍與賴尚大戰于大原權

大納言藤原親弘中納言源顯信以下卿相將士多戰

死武光奮戰遂大敗之賴尚走保寶萬嶽ホウマンカク○冬十月畠

山國清率關東兵二十萬西上將犯天野行宮按自賀

天野年月不詳故闕左馬頭楠正儀與和泉守和田正武入奏曰

是戰臣等為官軍保必勝也夫所貴乎兵者三焉天時

也地利也人和也今茲大將軍在西利東伐而不利西



征而道誓稱兵西上是逆天時也官軍所守前大河後  
深山元弘以來賊屢來攻每不利而退是我得地利也  
道誓外藉軍興內欲專功倫輩嫉之是失人和也失此  
三者雖百萬兵不足畏也臣等據金剛山築砦各所令  
土兵誘敵乘其疲憊擊之蔑不剋矣請車駕幸觀心寺  
以待賊平帝深然其言從之○足利義詮將兵七萬發  
京師北朝延文五年春正月楠正儀和田正式城赤  
坂又築龍泉龍門平石八尾等砦分兵守之大納言藤  
原隆俊守紀伊最初峰○二月畠山國清進屯津津山  
楠正儀和田正式出兵距之連戰破之○夏四月藤原

隆俊與畠山義深戰于龍門山敗績退保阿瀬川城救  
征夷將軍興良親王率彈正少弼赤松氏範等討畠山  
國清既而興良反焚賀名生行宮遣前關白師基討之  
興良敗走○閏月土岐直氏細川清氏赤松範實陷龍  
泉城今川範氏佐佐木氏賴佐佐木信詮陷平石城八  
尾守將真木野某等棄城走○五月畠山國清合軍攻  
赤坂城楠正儀欲退保金剛山和田正式不可率精兵  
夜襲敵營不克乃火城退保金剛山○秋七月楠正儀  
攻水速城拔之伊豆守山名時氏攻赤松貞範拔其六  
城仁木義長歸順義長賴章之弟也自尊氏時屢建戰



功爲越後參河伊勢伊賀等守護爲人兇殘賞罰任意  
諸將惡其所爲會義詮犯吉野使義長以兵五百出陣  
西宮畠山國清亦率兵西上素嫉義長潛圖除之而義  
長欲自專功忌國清兵盛冀其敗衄已而國清破官軍  
還京師陰聚諸將謀殺義長及官軍攻譽田城國清託  
應援與諸將赴四天王寺議還攻義長義長聞之勒兵  
自備恐義詮通意於國清與姪賴夏率兵護義詮第過  
絕內外自爲執事要求其書討國清清氏其夜義詮密  
與佐佐木高氏謀蒙婦人服率親近數人間出側門馳  
至西山將士聞之四散義長率殘兵東走至是遂降○

八月所在官軍並起京師繹騷人皆歸咎畠山國清國

清好以狐皮蔽腰時人惡之作狐妖歌譏之國清懼禍

及潛逃還鎌倉後爲基氏所逐遂據伊豆修禪寺城叛

之戰敗走赴京畿餓死太平記○九月詔征東將軍宗良

親王率兵討敵以北道地凍不果李花集○十六年北朝

元年秋七月伊豆守山名時氏降美作八城但馬人長信

綱與阿保信禪應時氏兵勢大振○八月肥前守菊池

武光與松浦黨戰于飯盛山破走之又攻大友氏時少

貳賴尚大敗之太平記○九月楠正儀和田正武擊佐佐

木氏詮于攝津斬之○冬十月細川清氏歸順後愚昧



記細川氏春徇淡路○十一月山名時氏拔倉懸城○

救前關白師基大納言藤原隆俊中納言藤原邦光刑

部卿石塔賴房相摸守細川清氏楠正儀和田正武等

大舉討足利義詮○十二月諸將並進佐佐木高秀今

川貞世等望風而走足利義詮奉新主走近江官軍入

京師焚義詮第赤松氏範由水路將犯行宮師基率諸

將旋軍義詮復入京師太平記貞世範國之子也後削髮

稱了俊系圖難著家訓世曰今川狀今川初細川清氏

之歸順也奏請發諸軍復京師帝召楠正儀議正儀對

曰元弘以還王師復京師者凡五多不假師徒所苦兵

力不繼故隨得隨失今欲取之不假清氏之力臣一人

足以辦之祇恐能取之不復能守也若耻棄之致戰則

舉今版圖所有併失之臣愚未見其可也帝不聽遂攻

京師克之至是果如其言○十七年北朝貞治元年春正月相

摸守細川清氏至阿波徇伊豫土佐讚岐○夏六月伊

豆守山名時氏分兵徇備前備中高師秀潰走○秋七

月細川清氏與細川賴之戰於讚岐白峯敗死伊豫土

佐阿波讚岐復陷太平記賴之賴春之子也源氏八月

左馬頭楠正儀和泉守和田正武與佐佐木高氏兵戰

于神崎破走之○冬十一月近江湖涸○十九年北朝貞治



三山名時氏仁木義長石塔賴房並叛太平二十年

北朝貞治四年春正月前關白師基薨大承院二十二年北朝

貞治六年春二月高麗承元主吉使使請禁我民侵掠其邊

境者足利義詮以為海賊所為難速勦捕竟不報牒本

為前年事今從夏四月足利基氏卒基氏尊氏之子

也太平正平四年為關東管領居鎌倉至是卒子氏滿

襲為管領上杉憲顯為執事喜連川冬十二月足利

義詮卒太平二十三年北朝應安元年春三月帝崩于住吉

殿花營三代記壽四十一葬觀心寺鳩嶺雜在位三十

一年改元者二曰興國正平皇子寬成立是為長慶天

皇

長慶天皇諱寬成後村上帝長子也帝王正平二十三

年三月後村上帝崩帝即位於行宮諸書不書即位蓋

此南遷以後記載以皇弟熙成親王為皇太弟新葉集

院集秋七月左近衛少將新田義宗式部大輔脇屋義

治起兵越後上野與上杉憲將等戰不克義治走出羽

喜連川正平二十四年北朝應安二年春正月京師以足利

義滿為征夷大將軍花營三代初義詮疾病使義滿聽政

慮其尚幼不堪負荷擇可付託者弟基氏薦細川賴之

為執事後愚昧記細川當時賀其得太平義詮臨終

皇朝史略 卷十一 十九



謂賴之曰我遺一子於卿幸能輔之又謂義滿曰我遺

一父於汝慎勿違其誨細川家譜賴之由是竭心輔導夙夜

黽勉至廢寢食選士之學行醇篤兼長武事者以充師

友日啓沃之雖隱逸之士苟可以資其匡益舉以置其

左右賴之記臥雲日件錄義堂日工集又著戒法五章以領示一時一

曰戒阿主好二曰戒掩親訐疎好誣陷仇家三曰戒不

善善不惡惡用愛憎是非人及外和柔而內實傾險外

澹泊而內實多欲自縱驕奢不拘禮法四曰戒無功邀

賞無才貪祿徇私忘公五曰戒動掠同列之美自冀進

用及受納賄賂妄薦非才凡人犯之者聽無貴賤親疎

互相告發告者則有賞書以授義滿師友以為標準伺

察人物賴之猶患姦邪之未息乃使髡者六人著禮服

異巾大刀與義滿及諸將士遊狎詼謔歌舞巧為迎合

名曰童坊又曰佞坊士大夫有類其行者則指為士童

坊眾辱之士大夫往往耻之折節者頗多諂諛之風大

改賴之○左兵衛督楠正儀降足利義滿花營三代記○夏

四月桃井直常拔松倉城○秋九月赤松則祐赤松光

範攻彈正少弼赤松氏範於攝津中島氏範兵敗奔四

天王寺花營三代記是歲河野通直復伊豫豫章記○建德元

年北朝應安三年○按新葉集載後龜山帝御製和歌

以歌意觀之似後龜山帝以是歲即位且本書序以



後醍醐後村上後龜山為三朝不以長慶帝列世  
數尤可疑也然無他書可證今從三代記不輒改春正

月脇屋義治等出軍武藏上野與上杉朝房等戰不克

走信濃喜連河三月桃井直和軍越中與敵戰于長

澤死之餘衆潰散直和直常之子也冬十一月和田

正式等攻楠正儀城花營三二年北朝應安四年春二月肥

後守菊池武政與今川貞世戰于鎮西武政武光之子

也花營三代記三月後光嚴院讓位於太子緒仁是

為後圓融院後深心院秋八月發兵討楠正儀細川

賴之援正儀初正儀之降義滿也義滿命還河內圖吉

野賴之請發諸國兵援之諸將以為正儀不能自保河

內而來矧南嚮乎必無利也義滿從之賴之耻言不行

辭職退居西山西芳寺義滿親臨起之遣其養子賴元

率兵援正儀諸軍屢敗王師後深心院文中元

年北朝應安五年春三月菊池武朝與今川貞世戰于肥後敗

之武朝二年北朝應安六年足利義滿使細川氏春犯行在

花營三帝移蹕於吉野避之新葉集嘉喜門院集秋八月帝傳

位於皇太弟花營三在位五年改元者二曰建德文中

皇太弟立是為後龜山天皇

後龜山天皇諱熙成後村上帝第二子也紹運母嘉喜

門院王代長慶帝即位立為皇太弟嘉喜門文中二年



八月受禪於行宮花營三代記 ○秋八月大納言藤原隆俊

屯于天野夜襲敵營不克死之花營三代記 ○天授二

年北朝永僧絕海歸自明蕉堅稿和絕海者本鹿苑僧

善詩先是如明學禪太祖召見問熊野古祠勅令賦之

其詩曰熊野峰前徐福祠滿山藥草雨餘肥只今海上

波濤縹萬里好風須早歸太祖賜和曰熊野峰高血食

祠松根琥珀亦應肥當年徐福求仙藥直到如今更不

歸蕉堅 ○三年北朝永秋八月征西將軍懷良親王與

大內義弘戰于鎮西敗績菊池族百餘人戰死後愚 ○

四年北朝永秋九月征西將軍良成按古本帝王系圖

書稱後將軍菊池武朝與今川貞世戰于託磨原破之

菊池武朝 ○冬十一月官軍討細川業秀不克足利義滿

遣將士援業秀官軍敗走 ○五年北朝康春正月山名

義理山名氏清山名時義陷土丸城 ○二月山名義理

等入紀伊陷藤浪及石垣城花營三代記 ○冬十一月河野

通直與細川賴之戰于伊豫敗死豫章 ○六年北朝康

夏五月小山義政起兵下野與宇都宮基綱戰大破之

斬基綱花營三代記 ○弘和元年北朝永冬十二月中

務卿宗良親王上新葉和歌集本書 ○是歲楠正儀歸

順按正儀歸順年諸書無明文然據蠹簡集所載康

曆二年斯波義將狀以正儀與赤松義則並列則此



時正儀尚在北朝又按三刀屋文書弘和二年閏正月  
正儀與山名氏清戰于平尾則此時正儀已歸順據此  
正儀歸順在此歲○二年北朝永閏正月左兵衛督楠  
明矣故今係于此

正儀與山名氏清戰于平尾敗績和漢合運三刀屋文  
書河內通法寺文書  
左兵衛督據 ○三年北朝永夏四月小山義政與足利  
渡邊文書

氏滿兵戰死之子若犬丸亡走喜連倉大草紙 ○是月後  
圓融院讓位於太子幹仁是為後小松帝歷代皇紀 ○  
元中三年北朝至夏六月小山若犬丸田村莊司則義

起兵各據其城 ○秋七月小山若犬丸田村則義與足  
利氏滿戰于下総古河敗死喜連川 ○九月赤松氏範

與足利義滿兵戰于播磨清水敗績氏範及子氏春家  
則祐春秀則死之赤松 ○四年北朝嘉春三月小田五

郎起兵常陸據穴戶男體城 ○五年北朝嘉上杉朝宗  
陷男體城小田五郎死之喜連川 ○八年北朝明冬十

二月山名氏清山名滿幸稱兵叛足利義滿義滿親討  
之氏清滿幸敗死明德 ○九年北朝明冬閏十月帝與

京師講和傳三神器於後小松帝自足利尊氏立光明  
帝易世五主至此五十七年南北始一統矣續神皇正

在位二十一年改元者三曰天授弘和元中  
後小松天皇諱幹仁後圓融帝長子也母通陽門院大園

曆 永德二年十二月即位年六歲天祚禮祀 明德三年



冬閏十月帝受三神器於土御門殿皇年代略記續

十二月以征夷大將軍前右大臣足利義滿為左大臣

補任○朝鮮遣使來聘請修鄰好許之足利家譜是歲相摸守

細川賴之卒源氏系圖賴之為人端厚有謀略好讀書作詩

歌系圖家譜太輔導義滿聲績甚著明德記仕至從四位

下相摸守義滿稍忌其權盛左右因離間之義滿益惑

之命罷其職遣還讚岐以斯波義將代之賴之深憾小

人之難退而大功不終立臨發改名常久賦詩言志曰

人生五十愧無功花木春過夏已中滿室蒼蠅掃難去

起尋禪榻臥清風義滿且遣兵討之自悔而止系圖花營三代

記既而深思其功欲復相見及如嚴島命賴之具舟於

讚岐因過見之共至嚴島義滿嚴島請記遂召還賴之以賴元

為執事命賴之參決親任如故天下人再望其治東寺長者

補任明德記及卒義滿惋惜親臨送葬又手寫佛經薦其冥

福懇惻切至聞者莫不感泣明德記○四年夏四月後圓

融上皇殂年三十六皇代記續神○秋九月足利義滿

罷左大臣補任是歲義滿罷細川賴元再以斯波義將為

管領斯波系圖○應永元年春二月尊後龜山帝曰太上天

皇皇年代略記○夏六月以前左大臣藤原實時為太政大

臣○冬十一月閔白師嗣罷以左大臣藤原經嗣為閔



白○十二月前左大臣足利義滿罷征夷大將軍以左

近衛中將足利義持為征夷大將軍○太政大臣實時

罷以足利義滿為太政大臣○二年夏六月太政大臣

義滿罷以前右大臣源具通為太政大臣○三年春二

月具通罷補任○四年夏四月義滿因藤原公經西園寺

遺址構別莊於北山使諸國守護助役作三層閣得板

方一丈二尺為牀壁柱戶牖皆塗以金窮極土木既成

徙居之使其子義持居室町第足利家傳北山行幸記卧雲日件錄是歲

少貳菊池千葉大村等作亂筑紫大内義弘擊平之應永

記○五年春正月崇光上皇殂年六十五椿葉記續神皇正統記

○三月閔白經嗣罷以前閔白師嗣為閔白師嗣良基

之子也家號二條補任師嗣子權大納言滿基初名道忠

至是義滿授以滿字更今名自後二條家世用足利氏

名一字以冠其名○秋八月朝鮮遣使來聘足利家譜○冬

十一月閔東管領足利氏滿薨源氏系圖子滿兼襲其職喜連

川系圖○六年夏四月閔白師嗣罷以前閔白經嗣為閔

白○是冬大内義弘反以兵據和泉界浦土岐詮直起

尾張京極某起近江山名時清起丹波望風響應義滿

遣使招義弘義弘不從義滿親軍男山遣畠山基國斯

波義將細川賴元將兵三萬攻破之斬義弘遣兵討詮



直時清等悉平之時清氏清之子也時足利滿兼與義

弘通謀欲東西並舉攻京師出陣武藏國府聲言為義

滿聲援義滿謀知之間使約和授以足利莊滿兼乃罷

兵應永七年春三月足利直冬卒于石見和漢合符

直冬子冬氏為兵衛佐居備後世呼曰中國武衛家譜

八年義滿遣僧祖阿商人肥富干明通好初文中中明

主三遣使求通商交市且禁我邦人擾邊路梗不通自

是信使不絕使皆以僧為之善隣國九年秋八月明

僧天倫來和漢合符善隣國寶記以左大臣藤原實冬為太政

大臣補十一年前太政大臣實時薨補十二年義滿

罷斯波義將以斯波義重為管領斯波十五年春三

月行幸義滿北山第留十日椿葉記北山行幸記夏四月閔白

經嗣罷以左大臣藤原忠嗣為閔白補五月前太政大

臣義滿薨補年五十一稱鹿苑院足利詔贈號太上皇

義持辭不受尊卑分脈

外史氏曰孔子曰名與器不可以假人自源賴朝遙

執朝權朝廷大事皆取決鎌倉甚至廢置天子建兩

宗迭立之儀卒致元弘之亂及足利尊氏擁立天子

據京師以執大權公卿大臣皆仰其鼻息逮至義滿

驕僭滋甚殆擬王室其薨也朝廷贈以太上皇之號



陵替之甚自古未之有也設令義持受之朝廷幾并  
 名器而失之矣幸而義持不受能守臣子之分使姦  
 宄絕覬覦之心厥後天下大亂干戈相踵然而世竟  
 無有請隧問鼎者至今箕箒不移神器無動朝廷之  
 尊萬古如一嗚呼此神州之所以冠萬國者歟

尊氏義詮為治寬不戢下功臣跋扈動輒叛亂義滿襲  
 職脩飭軍政紀律嚴肅倔彊之徒悉皆懾伏焉參取應永記明

德記賴之記難初久我氏世為淳和獎學兩院別當源  
太平記大意氏長者至義滿始補之補任足利氏世崇禪教至義

滿滋盛始置僧錄造鹿苑院寶幢寺又創相國寺令諸

國守護助役規制宏麗當時無比禪林諸祖傳相初尊

氏行事沿用賴朝之制至義滿其法益備云足利家傳

記梅松論○六月南蠻貢黑象孔雀鸚鵡和漢合符若○十

六年春二月閔白忠嗣罷○三月以內大臣藤原滿基

為閔白○秋七月以權大納言足利義持為內大臣○

十七年冬十二月閔白左大臣滿基薨以前閔白經嗣

為閔白補任○十八年明主遣使來聘至攝津武庫却之

如是院○十九年夏六月南蠻遣使朝貢若州守○秋

八月帝傳位於躬仁親王椿葉記在位二十九年改元

者五曰至德嘉慶康應明德應永躬仁親王立是為稱



光天皇

皇極經世一曰天皇御宇  
皇極經世二曰天皇御宇  
皇極經世三曰天皇御宇  
皇極經世四曰天皇御宇  
皇極經世五曰天皇御宇  
皇極經世六曰天皇御宇  
皇極經世七曰天皇御宇  
皇極經世八曰天皇御宇  
皇極經世九曰天皇御宇  
皇極經世十曰天皇御宇  
皇極經世十一曰天皇御宇  
皇極經世十二曰天皇御宇

皇朝史略卷之十二終

跋

家君之在水府也訂正國史預修諸志又嘗通覽全史考其出典擷其精華撮其大要著史略十二卷以便初學上自正史下至稗官野乘數千年間貫穿包括搜蒐無遺而本史所逸率皆收錄家君之於斯書其用心可謂至矣而人或以剽竊譏之豈知斯書者哉亦豈知國史者哉夫有正史斯有紀略所以貴提其要也且斯書一以本史為準而其記事少異者史略之體不



得不爾何則史書之體分紀傳而史畧則編年  
體裁各異以是病之則史畧之書可盡廢也斯  
書起艸於文政五年三月至明年三月竣功是  
歲家君奉命移家江戶即獻之我公而公入  
上公公大嘉賞賜名曰皇朝史畧光欲公諸同  
志刻之家塾以省繕寫之勞因記其梗槩以爲  
之跋

文政丙戌秋九月

男延光謹書



